

saluus esse possit, nullibi tamen in eo concilio peccatorum absolutio denegata refertur quod nimirum hoc nunquam fieri soleat, nisi cumquis sit impænitens & in peccati mortalis statu desideat. Eucharistiæ vero sacramentum sine peccato denegari potest, quòd eius sumptio ad conciliandum iustitiam, sicut Sacramentum pænitiæ, non sit necessaria. Porro licet hæc parua sint, ac proinde pœnis temporali- bus intorquenda fidelibus, peccare tamen mortaliter ignorantem [absit contēptus] persuaderi non potest. An vero rectè fecerit concilium Remense, quod scimus prouinciale fuisse, orationem dominicam & Symbolum memoria non retinentibus, Eucharistiam denegando, alii diiudicent, ego profecto pios homines, & qui eadem memoriæ tenuitate continere nō possent, vllum Ecclesiasticum sacramentum denegare non ausim, cum ad ea memoria retinenda, nullo præcepto aut necessaria ratione constringatur fidelis, immo vero, cum Christus, solum illa generalia principia quibus implicite aut virtute tantum continentur, & post Christum Paulus, hominibus ad salutem necessaria præscripserint: iam quantumcumque ignorantia orationis dominicæ,